



Universitätsbibliothek Paderborn

De Ervditione Religiosorvm

Humbertus <de Romanis>

Ingolstadii, 1591

VD16 H 5888

7. Innocentia custodienda ab omnibus.

[urn:nbn:de:hbz:466:1-50980](#)

dat eam Deus non amanti eam , sed quærenti ipsam cum magno desiderio ipsius. Inquire pacem & persequere eam. Quidam pacem oblatam reciperent: sed eam primo non quærunt. Hi non videntur intelligere , pacem , hæreditatem esse Christianorum. Si enim scirent se ex-hæredatos ab eo quod Christus eis legauit , non expectarent quòd alius eos incitaret ad hæreditatem suam recuperandam. Pacem sequimini *Hebr. 12.*
 cum omnibus. Pax est, vbi repugnantia non est.
 Vnde glossa super illud. Beati pacifici. Vera pax
Glossa ord.
 est, vbi nihil repugnat. Octauum est lingua cu-
ibid.
 stodia. Sicut, vbi domus sunt de lignis, palea te-
Matth. 5.
 tæ, ignis cautè seruatur , ne domus succandan-
 tur : sic lingua cautè custodienda est in congre-
 gatione. Lingua enim ignis est, vniuersitas ini-
 quitatis. Aliquando per eam flamma iræ in co-
 gnatione accenditur. In eodem. Ecce quantus
 ignis quām magnam syluam incendit. Nisi lin-
 gua custodiatur , multæ turbationes in congre-
 gatione oriuntur. Susurro & bilinguis maledi-
 ctus erit. Multos enim turbauit pacem habētes. *Eccles. 28.*
 Lingua tertia multos commouit.

Quod innocentia custodienda sit ab omnibus.

C A P V T VII.

Sequitur de innocentia. Circa quam primo ostenditur, quòd custodiēda sit ab omnibus. Secundo quod maxime ab his, qui sunt in con-
 gregatione religiosa. Tertio tangetur de partib⁹ innocentiae. Quarto de documentis quæ in reli-
 gione mali inferunt bonis. Ad primum monet
 Spirit⁹ Sanctus in psal. Custodi, inquit, innocen-
 tiā.

tiam. **Glossa.** Ne extorqueatur à te. **Seneca.** Ridiculum est odio nocentis innocentiam perdere. **Isidorus.** Duo sunt erga dilectionem proximi seruanda: ut beneficij impensione foueatur, & nulla malitia lèdatur. Triplici ratione conantur debemus ad custodiam innocentiae. Primo quia facile amittitur. Secundo quia ea amissa omnia amittuntur. Tertio quia ea seruata omnia servantur. Facile amittitur, quia factio, & verbo, & voluntate, & omissione. Facto duplíciter, & cum bona aliena auferuntur: & cum mala alij inferuntur. **Augustinus.** Omnis homo qui alium corpore persequitur: prius ipse in corde persecutionem sustinere cognoscitur. Idem. Nemo habet iniustum lucrum, sine iusto damno. Vbi damnum, ibi lucrum. Lucrum in arca: damnum in conscientia. Tulit vestem, & perdidit fidem. Acquirit pecuniam, & perdit iustitiam, scilicet quantum ad illam partem iustitiae quae est innocentia. Item Augustinus. Malitia tua vero alteri non noceat, fieri potest: quod autem tibi non noceat, fieri non potest. Verbo amittitur innocentia: ut cum aliquis in malum proximamente lèditur damno innocentiae, quam proximus damno pecuniæ. In Psal. Lacum aperuit & effudit eum: & incidit in foueam quam fecit. Voluntate etiam innocentia amittitur: ut cum aliquis odit proximum suum. Omnis qui odit fratrem suum, homicida est. Qui verò homicida est: innocens non est. Omissione, innocentia amittitur: ut cum aliquis non subuenit fame pœnanti, secundum illud Ambrosij. Pasce fam
morito.

1. Ioan. 3.

morientem: si non pauiisti, occidisti. Si innocen-
tia amittitur: omnia bona amittuntur. Amitti-
tur iustitia funditus cum innocentia amittitur:
qua est iustitiae fundamentum. Tullius. Fun-
damentum iustitiae est ne cui noceas: deinde ut
communi utilitati deseruias. Amittitur etiam ip-
pse Deus iustitiae dator. Iniquitates vestrae diui- *Isa. 59.*
ferunt inter vos & Deum vestrum. Si innocen-
tia seruetur, cuncta bona seruantur. Dum Adam
innocentiam seruaret, nihil ei nocuit. Nihil
etiam nocet hodie illis qui innocentiam ser-
uant. Qui custodit præceptum, non experietur
quicquam mali. Augustinus. Quid times homi-
nem o homo, in sinu Dei positus? Tu de sinu il-
lius noli cadere: quicquid patieris, ad salutem
valebit, non ad perniciem. Omnes capilli capi- *Matth. 10.*
tis vestri numerati sunt. Quæ videntur noxia,
innocenti sunt utilia. Scimus quoniam diligen- *Rom. 8.*
tibus Deum, omnia cooperantur in bonum. In-
nocentia armatura Dei est, quam si habueris, tu
cum tuis in saluo eris. Saluabitur innocens. *Iob. 22.*
iusdem 4. Quis unquam innocens periit? Item
innocentia vestis est, sine qua nullus intrat in
cœlum. Psalm. Quis ascendet in montem Do-
mini, aut quis stabit in loco sancto eius, Inno-
cens manibus, &c. Hanc vestem necesse habe-
mus ferre ante iudicem, ideo latro infernalis
conatur nos ea spoliare. Hac veste spoliatus est
descendens ab Hierusalem in Hierico,
qui incidit in latrones.

Lucæ 10.

R

Quod